

近代中國史料叢刊第九十五輯  
沈雲龍主編


滄江歲晚集

魏元戴著

文海出版社  
有限公司印行

Lat 27/1702

滄江歲晚集



考功少年文字昂首天空每落墨卽有不可一世之概英姿秀拔與其文相似見者辟易而傾心嚮慕申甫所謂君家季弟今子由才氣橫溢隘九州秋深當矯萬里翻我未識面心先酬時申甫官京師而來告者之言一致蓋如此年三十五以汴闈通籍分司考功雖時事日非猶有攬轡澄清之志蓋自其爲諸生惟好讀古名臣忠烈之集予嘗謂生今之世獨爲文中子爲第一流考功曰第二流則文史之徒耳善化皮鹿門主講江右獨許其能古文亦自其治經而吾江之人始傳儀禮之學且尤長魏晉齊梁之製然皆

棄而不收至今無存者惟寥寥得此集於歸卧滄江  
之日也嗚乎人生之志願與世事之遷變往往出諸  
度外其前也如彼其後也如此獨其真一之神貫澈  
於不睹不聞之中歷千古而不易其所守初不必其  
迹之相似也豈惟大節卽文字之末亦何嘗不若是  
哉考功自以身之所處與古忠烈諸臣異不得伸其  
素志引其身於世外無可與語乃時流露其情於文  
字之間悲憂繾綣不惟無復昔日湖海元龍之壯且  
語之而不能成聲言之而不欲成文故不若屈之騷  
杜之史摠懷傾瀉瑰竒喬麗磅礴於天壤由其無意

於文之光燄耀於世也夫亦自哀其志之所有而已  
一卧滄江驚歲晚幾回青瑣點朝班三復及之潛然  
淚下己巳冬至前六日伯兄元曠序

		海峽植民地 官報 第 111 號 第 1 頁
--	--	---------------------------------

滄江歲晚集卷一

南昌魏元戴著

古近體詩

秋懷用昌黎韻呈逸兄

我懷萬古秋大化齊萎蕤乾坤一震盪百爾瀆無已  
醴泉及甘露颯颯儼盈耳借口楸楠收諱言桂苻起  
蘭芷變蕭艾臭味已不似天高地則厚履戴千秋恃  
豈知有反覆吾道不一軌繫古豪傑士後天下而喜  
駒隙百年過鬚眉付凋悴操持心苦藥行履冰霜地  
皎月窺我牕讀史慨睢恣孤憤說劍術秋水寒芒異



殺氣應金行鈍鉛非所貴

行不見夷吾空渡江曼曼論將思頗牧未嘗忘每飯  
讀書更讀律匡濟乖所願秋空江海潤濁酒楚歌勸  
金閨爲我數餘子紛萬萬大廈失棟榱中邦斬文獻  
被服惜珠玉寂寂長門怨

叢菊犯霜好孤松秀冰凌落落窮數爭炎境哀營蠅  
川嶽氣不壯徽墨纏何憎草間苦求活日照迴觚稜  
無復千載龜麗我秋潭曾江河障東下萬折疇云能  
天高風轉急巢鷓漂搖警我憂如江河滔滔萬里永  
瞻彼四方守畫虎空鷲猛白首著作儒西日繫短纆

中原鼓鼙息當軸且私幸豈知膏血竭九有席捲屏  
神蛟斂鬣甲大澤森寒景中有萬古心頗與月爭罔  
彗孛亦何芒荆棘堯衢梗風雲喚不起狗國恣中騁  
孰棄終軍繻長纓叩闕請

寒魄澹元河陰陽催曙暗禍胎竅河嶽英雄此遺憾  
身世雲雷屯蒼蒼縱遠瞰拔劍眦欲裂掬月水泉淡  
森胸海雲孤聒耳村謳濫草木傷變衰錦運古今暫  
中流兀砥柱奚事虛舟纜五季足雜傳心迹甯容勘  
強飲不成醉醕酒傾百甌

露立看參昴缺月當我軒大道揭昭融古誼垂崩奔

丈夫汲汲志腐儒囂囂言補天屬誰手笑索松花前  
空階納暮色菊英芬可餐抱膝不成嘯手此詩一編  
蕭條杜陵老去我年且千哀音發金石午夜秋風酸  
男兒報國心雲匣雙龍眠乾坤固莽莽劫換紅羊年  
古昔傷心人開卷淚不乾讀書貴有用千金碎琅玕  
浩氣還太虛碧血化一團火風虧地紀醉夢猶槐安  
禹心仰懋答萬里迴颯瀾蕭洒送日月落手天彈丸  
年來激壯志天地一征鞍

方夜讀周易萬籟含商聲陰陽理匪元星斗秋空明  
素位定萬變萬變格一誠吾道亮無朕君子憂器盈

下比與上應六爻藏寇兵千載分得喪一歲爲枯榮  
小人行勿知知之不欲令

山河今慘淡風月乃娟好殺機豈天發木落感秋早  
真我難滅磨孔固式天保春風起潛龍霖雨潤枯槁  
歸暴東溟甲蘇息不足道

感事

迢迢斥堠靜西滇魏絳羈縻十二年緯語早稽蛇走  
陸觀臺又告尋橫天官邪誰重千秋戮國蹙爭輕百  
里捐弔古空懷都指戚東南遙制一長鞭

寇釁無端啟闕茸中原驚覩礮衣紅苦心設險綢柔

沈江身卷一  
三  
土長技師夷弛柘弓侈說蚩尤迷毒霧未聞宗慙駛  
長風十年經畫空資敵且錄神州宿衛功

効命桓桓叩九重八千子弟挈藩封謬矜韜略嫺楊  
僕私愧精忠誓耿恭淮海萬艘疲轉粟甘泉一夕警  
邊烽入關卧燾頭生戴寬典還邀節鉞庸

老縮兵符失箸驚臨邊相國又行成本無寇準能孤  
注枉使胡銓負直聲露布寂寥馳左輔璽書黯澹發  
春明宋家歲幣脂膏盡未解遼陽殺氣橫

不堪把酒論英雄鼎沸河山夕照中誰指銅駝悲浩  
劫頗聞鐵騎弔元戎封狼未應天弧落回鶻猶煩使

節通遠望京華倚南斗宵深有淚濺花叢

### 臨川擬峴臺

闌干倚徧客心驚霜氣清光一掬盈澤畔漁燈自明

滅天邊皓月本孤行劫餘文藻空懷古

舊有曾南豐  
記咸豐匪亂

曾文正公  
駐節時重書於壁

秋漲河流正有聲鼓角尙嚴山郡治

南樓回首北平城

太廟時享雪後入直

錦袍照地逼寒光燎火門開上直房金闕曉風傳鳳  
輦羽林初日典龍驤禁鐘聲合千秋樂蹕路班齊五  
等王祀事惟明更宵旰小臣委珮愧鷓行

南郊扈蹕

翼翼齋宮護短墉  
貔貅野宿候飛龍  
九衢霜月千門寂  
萬片卿雲一道從  
柴炬通明佳氣繞  
袞衣登降露香濃  
天心克享惟明德  
莫漫蒼生誤闕茸

宮詞

捲地西風下太行  
昆明池畔見新霜  
御溝流得紅干葉  
忍把詞頭說未央

等閑沈醉上陽宮  
水殿涼生葆羽空  
向晚嬌波興太液  
暗香驚失芰荷紅

丙家供奉玉闌干  
隔著簾櫳徹骨寒  
曉漏遙憐勤政

殿五雲仗下立千官

錦袍宣賜趁新涼拜寵歸來惹御香底事辜恩按笏  
拍殿頭撩亂古霓裳

岳王墳

樹發南枝亞殯宮臨安片土賸孤忠靈旗舒卷悲風  
滿廢壘經過廟貌崇異代銘心懸日月中原遺恨飲  
沙蟲湯陰故里朱仙鎮頓我征輶雨又風癸卯經朱  
仙鎮及湯  
陰縣均因風雨驟  
至得停車謁廟

歸省

新陰官柳六廉堂

考功司  
廳事額

舊事藤花閱世香

藤花爲  
吏部故



實四司皆有長官治事  
藤花廳額爲明代所題  
散髮江湖收涕淚拜嘉廷闕  
委衣裳予服闋起復引愁心書考羣空馬無計屯恩  
爵爛羊弊吏百年身是法九天風月重瑤光

次葉鶴巢內翰出都原韻

徘徊金馬不思鱸笑素花前調未孤近塞風多涼取  
次泥人酒薄意何如緇塵逐隊知津早素面朝天閱  
世疏浪駭濤驚問來日側身匪是掛冠初

題黃申甫攬轡照相時守龍江

典郡三年萬里行錦韉愁控舊書生邊塵暗淡兵戈  
後外吏艱難歲序更漂室颶風容鬼哭濟川心事與

誰盟觚稜日色遼天月等有蒼茫萬古情

送胡漱唐侍御南歸

一掬新亭涕淚多春雲扶夢過滹沱還山日永書堪  
讀去國神傷鬢未皤別意聊傾燕市酒吟情歸傍楚  
江波千秋無忝韓歐議席藁其如負展何

濟南大明湖

半作荷池半葦塘碧流幾曲轉輕航迎風倚檻拋團  
扇呼酒停橈醉夕陽山色恰當窗一面亭軒最好水  
中央年來攬徧湖山勝不上君王乞郡章

鐵公祠瞻遺像

海岱聲威鐵甕堅北兵迴馬建文年都如三月危城  
捍何有駢誅十族連湖上固應綿血食殿前原不惜  
軀捐平生憑弔忠魂淚又向天東一泫然

宿泰山玉皇頂

貪看浴日奈雲浮浩蕩天風強獨留峻德咸知宗嶽  
長明禋未許僭藩侯登封玉檢金泥秘羅列煙鬢霧  
髻收作鎮天東兩天下幾曾滄海砥橫流

辛亥生日

蒼龍闕角咽悲笳去國如遺愧有家一斗村沽閑甲  
子那堪父老問京華

睇視塵容慶故鄉艱難聊與說高皇揭竿羣起家居  
壞回首觚稜鬢欲霜

鴛鴦迴翔太液池五雲仗下玉交枝倉皇江海催歸  
楫自是君王譴謫遲

朝衫贏得淚痕乾萬里陰霾逼歲寒七載承明成曉  
夢戴天心事一黃冠

癸丑願豐莊秋成卽事

築室環流水端居稱野人稻香南北畝茅舍兩三鄰  
僮僕皆胼胝先生不搢紳農夫喜相告脫粟已嘗新  
蒼茫縱孤眺煙樹遠村羅避世猶人境臨流且浩歌

沙汀月夜集卷一  
車聲淺水急帆影夕陽多曲岸環紅蓼野塘擎綠荷  
抱膝南簷下涼迎水面風土堦紫野草竹壁唧秋蟲  
雙槩來漁艇橫鞭過牧童虛堂亦倉積生事足三冬  
野曠月無礙光涵夜不沈百煩滌秋爽萬籟寂更深  
休問元龍氣誰爲梁父吟斗杓餘北望露下一披襟

重經臨川過申甫稼溪并留別

南樓猶憶幾憑闌往事文章結古歡劫後重來身漸  
老河山贏得帶愁看

狂名久已付蒿萊野服黃冠分不才傾蓋停杯猶乞  
字數行醉墨劫餘灰

故人風雨一開顏，排闥青多遠近山。  
足迹平生輕萬里，詩懷搖落贖江關。

幾日彈碁局已輸，苦將殘劫重躊躇。  
推枰一笑當揮手，珍重山家種樹書。

歸舟有懷申甫及蔡澄宇諸弟子

一繫孤舟醒又醉，河梁柳色任風斜。  
遙知惜別情奚似，水送山迎直到家。

十年苦憶臨川郡，舊學商量尙有人。  
莫上高臺望行色，四山斜日野花春。

次鶴巢壽逸兄六十原韻寄島上

海塵迹寄茫茫春老神傷玉珮蒼百轉蓬根勞問  
訊已差黍麻慨陰陽夢魂跌宕黃墟酒襟袖飄零晝  
省香小隱難招老客子幾年生事誤農桑

野煙斜日悵餘生牧子漁村盡識名感事遙憐詩易  
好懷人最苦夢難成老狂君莫疑湖海多難天教共  
弟兄一種不堪愁裏聽浮雲天半斷鴻聲

挽黃子雅禮部

扶病驚死別廿載空復情遠道不往哭徬徨坐深更  
念子論交日書劍志崢嶸辛苦博一官官冷心無營  
林泉夙所契浩劫爭遺塚窮居義不苟未老甯無生

所嗟願豐莊我已三年耕憶昔遠過我秋菊堆繁英  
尊酒話滄桑抵掌猶縱橫西風向夕至萬里蕭條聲  
墮涕空臨風墓草生幾莖

紀夢

曹司風月幻煙雲帕跣求傭竟踵門嘉遯自謀田二  
頃美新應薄寵三熏數行淚盡腸仍結千里魂歸夜  
已分別後死生原未卜我哀空有舊王孫

莊居歲暮效東坡之作用原韻

陶然手一編歲酒信堪佐古人餉我厚插架森奇貨  
殘年寄畝畝但識歲功大漸厭人事煩於此足高卧



呼兒掃一室時復塵滿座往來看行人恍怫蟻在磨  
都非饋問忙摩肩束薪過詩懷未搖落我唱還我和  
寒序不妨速春日尙遲遲天地閉不通墜歡胡可追  
美人勞夢想海角天之涯朔雪交炎風代謝又四時  
田家邀相過酒醞豚亦肥終歲勞作苦庸有饑歲悲  
不惜獨爲主殷勤空致辭勿謂輕別離試看雙鬢衰  
天胡未厭亂沈陸走龍蛇起視天垂象萬里雲猶遮  
兒女隨不寐數問夜如何窮荒燈火稀屋少人不譁  
自我去京國鞞鼓中原擱六度守殘臘婆娑帽簷斜  
臘殘又東作餘生敢蹉跎農書傲一卷新美誰當誇

丁巳人日喜逸兄過莊居

君守邱園我遜荒老年相見不尋常卽今健在雙蓬  
鬢乘興來游一葦航野有春秋嚴亂賊兄近著多私史世無  
石勒抗高光一尊暫得開襟抱不用題詩寄草堂

題蕉龕詩話

變雅而還讀楚騷暮天涼月朔風號一緘碧血千秋  
在淚灑貞元見爾曹

綵筆當年氣象干江湖散髮雪漫漫體裁未始無臺  
閣安得留將諫疏看

王風熄絕有遺氓新室爭埋舊策名樵唱漁歌仍散

見他年詩案不平鳴

椎秦復楚恨難平走徧江關一劍橫  
王粲樓頭殘照裏高風斷雁兩三聲

坐愁石爛海將枯空有悲歌缺唾壺  
節促音哀心萬里杜陵峽夜短檠孤

奸魄空誅死後寒孤臣野哭總無端  
璣珠縮出興亡事天寶談來鼻已酸

荷芰新裁掃薜蘿西風夢繞楚江波  
美人不自傷憔悴寄遠頻聞苦語多

外服王臣上國光賈裝橐筆已神傷  
老兵僉卒田家

子觸緒能留墨數行

彈淚飛卿本事詩南朝金粉妬胭脂舞衫歌扇邀相  
見已付山陽笛裏吹

爲憐死覓驚人句彈指滄桑兩鬢絲收合晨星聚魂  
魄傷心無復晚唐辭

病中

卧聽耕農課兒子藥鑪煙重出窻遲恨無鐵杖支孱  
骨忍把桐棺葬好詩健者何辭拱手讓遺黎見說哭  
聲嘶環生百感風光負大好分秧首夏時

五十病起逸兄爲賦長句依韻敬和

霜操薰椒譜昔年四十初度兄潛園掛壁已無絃敢

勞片石銘身後猶費瑤章照眼前彭蠡蒹葭秋露下

昆明消息劫灰傳祇愁簪合歡難再苟活人間亦惆

然

戊午冬日讀舒梓溪集

紅深霜樹昔賢居手辟萊蕪近結廬温飽平生聞抗

疏表章經傳見遺書公猶有地容披瀝我已如雲費

卷舒囊藥經年頻起死却憐短髮不勝梳

己未冬曉度山海關

江湖十載付病卧舉足仍成萬里行曳輪幾日換方

軌關山失險傷平平卧起朝煙暗林麓一輪紅日扶  
桑浴腥臙海氣接浮雲莫怪人間睡猶熟北脈南趨  
勢蜿蜒荒城一角倚東天頗聞雄踞甲天下中原景  
命斯關懸長驅竟入無人境兔胄摩挲禹州鼎東西  
有客賦兩京赤手無人扶景景忍涕尋思三百年閱  
人門戶斷風煙可憐熊虎森牙爪不到書生倦眼前

吉林熙春里雪夜有贈

江南游子玦爲珮蒼茫不作虛舟繫尙餘風雪壯行  
色邊城一掬英雄淚長白兒孫皆白頭羅列一千三  
百里銀潢倒瀉松花江千門萬戶臨無地玉樹瓊枝

照眼紛金源貝闕久成塵雨濕胭脂好顏色點妝須  
待春三春貂裘夜走寒光逼塞風一天散香屑聰明  
欸語淡薄妝飛燕伯勞都是客倦轡慵迴花萬叢長  
安誰識墜鞭驄幾人傳首九邊去不及掀髯一笑逢

示徐生仲衡

幾人磨鍊堪千劫小試冰霜負笈游一角窮邊天啟  
宇萬方多難客登樓德華淵靜言宜認文字風悲語  
漸適世事鴻毛休挂眼十年儻許濟同舟

講武堂秋夜感事

征鴻又過北平城鼓角樓頭斷續聲別淚洑瀾揮已

盡酒腸芒角熨難平世容狐媚欺孤寡天靳英雄効  
死生并鉞參旗空歷歷古來豎子慣寒盟

奉讀逸兄觀商團雜戲感事商團駐紮爲予丁  
未年所長方言學堂卽昔之友教書院

坐部勾前立部陪太常鐘虞撥寒灰人間聲淚拋應  
滿羯鼓胡琴小忽雷

友教風微世已衰忝依祠宇擁皋比分明肅拜登歌  
地忍讀淒涼奏伎詩

讀史

盜販黥髡裘袞冕驚心五代史臣辭更無勅使哀唐



洪江集卷一  
三  
祚空有靈脩繫楚思閨位餘分愁秉筆島夷索虜倦  
交綏兩窗靜剪孤燈穗袖手枯枰酒一卮

甲子守歲

世亂年荒入鬢絲擁爐休問夜何其飢驅寇賊空村  
堡水後田廬失歲時星象難占天暗淡江湖能寄德  
支離堂堂去日非孤負刻意明農強說詩

劍南到死餘忠憤嗣響原來逸晚唐幾見芳洲歌杜  
若等諸峽夜感滄桑蕭條異代名難滅寂寞荒村世  
與忘四壁風森酒力薄擁衣和夢倚胡床

興元曾望屬車塵今日龍章庇遠人十載潢池猶弄